

ՀԱՅԱՍՏԱՆԻ
ՀԱՆՐԱՊԵՏՈՒԹՅՈՒՆ

«ԷՆ - ԱՈՒԴԻՏ»

ՍԱՀՄԱՆԱՓՈՒԿ
ՊԱՏԱՍԽԱՆԱՏՎՈՒԹՅԱՄԲ
ԸՆԿԵՐՈՒԹՅՈՒՆ



REPUBLIC OF ARMENIA

“ N – AUDIT “

LIMITED LIABILITY
COMPANY

375002, Երևան, Թումանյան-40-28

375002, Yerevan, st. Tumanyan-40-28

Հեռ. ☎(37410) 53-40-41, (37491, 94) 40-80-41

e-mail: mail@n-audit.am

Ռեեստրում գրանցման համար

ՀԳԳՀ 1 20 0400

ԱՆԿԱՆ ԱՈՒԴԻՏՈՐԻ ԵԶՐԱԿԱՅՈՒԹՅՈՒՆ

«ՄԱՊ» ՓԲԸ

Բաժնետերերին և ղեկավարությանը

Կարծիք՝

Մենք աուդիտի ենք ենթարկել «ՄԱՊ» ՓԲ ընկերության (այսուհետ՝ «Ընկերություն») ֆինանսական հաշվետվությունները, որոնք ներառում են ֆինանսական վիճակի մասին հաշվետվությունը՝ առ 31 դեկտեմբերի 2021թ., ինչպես նաև այդ ամսաթվին ավարտված տարվա համապարփակ ֆինանսական արդյունքի, սեփական կապիտալում փոփոխությունների և դրամական միջոցների հոսքերի մասին հաշվետվությունները, ֆինանսական հաշվետվություններին կից ծանոթագրությունները, ներառյալ հաշվապահական հաշվառման նշանակալի քաղաքականության ամփոփ նկարագիրը:

Մեր կարծիքով, կից ֆինանսական հաշվետվությունները բոլոր էական առումներով ճշմարիտ են ներկայացնում Ընկերության ֆինանսական վիճակը 2021 թվականի դեկտեմբերի 31-ի դրությամբ, ինչպես նաև, այդ ամսաթվին ավարտված տարվա ֆինանսական արդյունքը և դրամական միջոցների հոսքերը՝ Ֆինանսական հաշվետվությունների միջազգային ստանդարտների համաձայն (ՖՀՄՍ-ներ):

Կարծիքի հիմքեր՝

Մենք աուդիտն անցկացրել ենք Աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է այս եզրակացության «Աուդիտորի պատասխանատվությունը ֆինանսական հաշվետվությունների աուդիտի համար» բաժնում: Մենք անկախ ենք Ընկերության՝ համաձայն Հաշվապահների Էթիկայի միջազգային ստանդարտների խորհրդի կողմից հրապարակած Պրոֆեսիոնալ հաշվապահի Էթիկայի կանոնագրքի (ՀԷՄՄԽ կանոնագիրք) և Հայաստանի Հանրապետությունում ֆինանսական հաշվետվությունների աուդիտին

վերաբերող էթիկայի պահանջների, և պահպանել ենք էթիկայի հետ կապված մեր այլ պարտականությունները՝ համաձայն նշված պահանջների և ՀԷՄՄԽ կանոնագրքի:

Մենք համոզված ենք, որ ձեռք ենք բերել բավարար համապատասխան աուդիտորական ապացույցներ՝ մեր կարծիքն արտահայտելու համար:

Ֆինանսական հաշվետվությունների համար ղեկավարության և կառավարման օղակներում գտնվող անձանց պատասխանատվությունը

Ղեկավարությունը պատասխանատու է ՏՀՄՄ-ների համաձայն ֆինանսական հաշվետվությունների պատրաստման և ճշմարիտ ներկայացման, և այնպիսի ներքին հսկողության համար, որն ըստ ղեկավարության, անհրաժեշտ է խարդախության կամ սխալի հետևանքով էական խեղաթյուրումներից զերծ ֆինանսական հաշվետվությունների պատրաստումը ապահովելու համար:

Ֆինանսական հաշվետվությունները պատրաստելիս՝ ղեկավարությունը պատասխանատու է Ընկերության անընդհատ գործելու կարողության գնահատման համար՝ անհրաժեշտության դեպքում բացահայտելով անընդհատությանը վերաբերող հարցերը, ինչպես նաև հաշվապահական հաշվառման անընդհատության հիմունքը կիրառելու համար, եթե ղեկավարությունը չունի Ընկերությունը լուծարելու կամ Ընկերության գործունեությունը դադարեցնելու մտադրություն, կամ չունի այդպես չվարվելու որևէ իրատեսական այլընտրանք:

Կառավարման օղակներում գտնվող անձինք պատասխանատու են ֆինանսական հաշվետվողականության գործընթացի վերահսկման համար:

Աուդիտորի պատասխանատվությունը ֆինանսական հաշվետվությունների աուդիտի համար

Մեր նպատակն է ձեռք բերել ողջամիտ հավաստիացում առ այն, որ ֆինանսական հաշվետվությունները բոլոր էական առումներով զերծ են էական խեղաթյուրումներից, անկախ դրանց խարդախության կամ սխալի հետևանքով առաջացման հանգամանքից, և ներկայացնել աուդիտորի եզրակացություն, որը կներառի մեր կարծիքը:

Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ ԱՄՄ-ներին համապատասխան իրականացված աուդիտը միշտ կհայտնաբերի էական խեղաթյուրումը, երբ այն առկա է: Խեղաթյուրումները կարող են առաջանալ սխալի կամ խարդախության արդյունքում, և համարվում են էական, երբ խելամտորեն կարող է ակնկալվել, որ դրանք առանձին կամ միասին վերցրած, կազդեն ֆինանսական հաշվետվություններն օգտագործողների՝ այդ ֆինանսական հաշվետվությունների հիման վրա կայացվող տնտեսական որոշումների վրա:

Աուդիտի միջազգային ստանդարտների համապատասխան իրականացվող աուդիտի շրջանակներում մենք կիրառում ենք մասնագիտական դատողություն և պահպանում ենք մասնագիտական կասկածամտություն ամբողջ աուդիտի ընթացքում: Բացի այդ, մենք.

- Բացահայտում և գնահատում ենք ֆինանսական հաշվետվություններում խարդախության կամ սխալի հետևանքով էական խեղաթյուրման ռիսկերը, նախագծում և իրականացնում ենք այդ ռիսկերին ուղղված աուդիտորական ընթացակարգեր և ձեռք ենք բերում բավականաչափ ու համապատասխան աուդիտորական ապացույցներ՝ մեր կարծիքն արտահայտելու համար:

Խարդախության արդյունք հանդիսացող էական խեղաթյուրումը չհայտնաբերելու ռիսկն ավելի մեծ է, քան սխալի հետևանքով առաջացած էական խեղաթյուրումը չհայտնաբերելու ռիսկը, քանի որ խարդախությունը կարող է ներառել գաղտնի համաձայնություն, կեղծիք, միտումնավոր բացթողումներ, խեղաթյուրումներ կամ ներքին վերահսկողության համակարգի շրջանցում:

- Պատկերացում ենք կազմում աուդիտին առնչվող ներքին վերահսկողության վերաբերյալ, որպեսզի մշակենք համապատասխան աուդիտորական ընթացակարգեր, բայց ոչ Ընկերության ներքին վերահսկողության արդյունավետության վերաբերյալ կարծիք արտահայտելու համար:

- Գնահատում ենք կիրառվող հաշվապահական հաշվառման քաղաքականության տեղին լինելը և ղեկավարության կողմից կատարված հաշվապահական հաշվառման գնահատումների և հարակից բացահայտումների հիմնավորվածությունը:

- Եզրահանգումներ ենք կատարում ղեկավարության կողմից անընդատության սկզբունքի կիրառման տեղին լինելու վերաբերյալ և ձեռք բերված աուդիտորական ապացույցների հիման վրա հետևություն ենք անում, թե արդյոք առկա է իրադարձությունների կամ հանգամանքների հետ կապված էական անորոշություն, որը կարող է էական կասկած առաջացնել Ընկերության անընդհատ գործելու հնարավորության վերաբերյալ: Եթե մենք գալիս ենք այն եզրահանգման, որ գոյություն ունի էական անորոշություն, մենք պետք է մեր աուդիտորական եզրակացությունում ուշադրություն հրավիրենք ֆինանսական հաշվետվություններում համապատասխան բացահայտումներին, կամ, եթե նման բացահայտումները պատշաճ կերպով ներկայացված չեն, մենք պետք է ձևափոխենք կարծիքը: Մեր եզրահանգումները կատարված են մինչև մեր աուդիտորական եզրակացության ամսաթիվը ձեռք բերված աուդիտորական ապացույցների հիման վրա: Այնուամենայնիվ, ապագա իրադարձությունները կամ հանգամանքները կարող են հանգեցնել նրան, որ Ընկերությունը կարող է կորցնել իր անընդհատ գործելու կարողությունը:

- Գնահատում ենք ընդհանուր առմամբ ֆինանսական հաշվետվությունների ներկայացումը, կառուցվածքը և բովանդակությունը՝ ներառյալ բացահայտումները, և գնահատում ենք, թե արդյոք ֆինանսական հաշվետվությունները ներկայացնում են դրանց հիմքում ընկած գործարքներն ու իրադարձությունները այն ձևով, որն ապահովում է ճշմարիտ ներկայացումը:

Ի թիվս այլ հարցերի, մենք հաղորդակցվում ենք կառավարման օղակներում ներգրավված անձանց հետ՝ աուդիտի պլանավորված շրջանակների և ժամկետների, ինչպես նաև աուդիտի ընթացքում հայտաբերված էական թերությունների վերաբերյալ, որոնք ներառում են աուդիտի ընթացքում մեր կողմից բացահայտված ներքին վերահսկողության կարևոր թերությունները:

Տնօրեն-աուդիտոր՝

Վարդան Նիկողոսյան



20.06.2022թ.

Որակաորված աուդիտոր՝


Նունե Ալեքսանյան

Ֆինանսական վիճակի մասին հաշվետվություն

Ա Վ Տ Ի Վ	31.12.2020թ.	31.12.2021թ.
I. Ոչ ընթացիկ ակտիվներ		
Հիմնական միջոցներ	2.872.380	2.948.278
Ոչ նյութական ակտիվներ	5.044	4.495
Բաժնեմասնակցության մեթոդով հաշվառվող ներդրումներ	2.460	2.460
Հետաձգված հարկային ակտիվ	124.627	-
Ընդամենը ոչ ընթացիկ ակտիվներ	3.004.511	2.955.233
II. Ընթացիկ ակտիվներ		
Հումք և նյութեր	1.956.477	2.143.096
Արտադրանք	3.358.396	3.359.295
Ապրանքներ	-	753
Անավարտ արտադրություն	-	310.058
Տրված ընթացիկ կանխավճարներ	8.001	7.786
Դեբիտորական պարտքեր վաճառքների գծով	3.192.326	2.701.100
Այլ դեբիտորական պարտքեր	140.000	-
Դրամական միջոցներ և դրանց համարժեքներ	17.490	785
Այլ ընթացիկ ակտիվներ	41.360	29.037
Ընդամենը ընթացիկ ակտիվներ	8.714.050	8.551.911
ԸՆԴԱՄԵՆԸ ԱՎՏԻՎՆԵՐ	11.718.561	11.507.144

Պ Ա Ս Ի Վ		
III. Սեփական կապիտալ		
Կանոնադրական (բաժնեհավաք) կապիտալի գուտ գումար	168.430	168.430
Էմիսիոն եկամուտ	32.765	32.765
Վերագնահատումից և վերաչափումից տարբերություններ	3.780.267	3.780.267
Կուտակված շահույթ	-3.094.477	-1.828.964
Ընդամենը սեփական կապիտալ	886.985	2.152.499
IV. Ոչ ընթացիկ պարտավորություններ		
Երկարաժամկետ բանկային վարկեր և փոխառություններ	9.235.200	8.424.629
Ընդամենը ոչ ընթացիկ պարտավորություններ	9.235.200	8.424.629
V. Ընթացիկ պարտավորություններ		
Կրեդիտորական պարտքեր գնումների գծով	1.467.926	651.706
Կարճաժամկետ կրեդիտորական պարտքեր բյուջեին	127.750	276.388
Կարճաժամկետ կրեդիտորական պարտքեր պարտադիր սոցիալական ապահովագրության գծով	700	1.922
Այլ կրեդիտորական պարտավորություններ	-	-
Ընդամենը ընթացիկ պարտավորություններ	1.596.376	930.016
ԸՆԴԱՄԵՆԸ ՍԵՓԱԿԱՆ ԿԱՊԻՏԱԼ ԵՎ ՊԱՐՏԱՎՈՐՈՒԹՅՈՒՆՆԵՐ	11.718.561	11.507.144

Ղեկավար՝
Մ. Պետրոսյան



Գլխավոր հաշվապահ՝
Ա. Խաչատրյան

Ֆինանսական վիճակի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 7-ից մինչև 29-րդ էջերում ներկայացված կից ծանոթագրությունների հետ մեկտեղ:

Համապարփակ ֆինանսական արդյունքների մասին հաշվետվություն

Ցուցանիշի անվանումը	2020թ. դեկտեմբերի 31-ին ավարտված տարի	2021թ. դեկտեմբերի 31-ին ավարտված տարի
Արտադրանքի, ապրանքների, աշխատանքների, ծառայությունների իրացումից զուտ հասույթ	6.780.433	8.131.101
Իրացված արտադրանքի, ապրանքների, աշխատանքների, ծառայությունների ինքնարժեք	-5.928.687	-5.612.866
Համախառն շահույթ (վնաս)	851.746	2.518.235
Իրացման ծախսեր	-252.981	-424.074
Վարչական ծախսեր	-202.248	-719.233
Արտադրանքի, ապրանքների, աշխատանքների, ծառայությունների իրացումից շահույթ (վնաս)	396.517	1.374.928
Գործառնական այլ եկամուտներ	91.866	65.932
Գործառնական այլ ծախսեր	-29.548	-70.158
Գործառնական շահույթ (վնաս)	458.835	1.370.702
Ֆինանսական ծախսեր	-412.706	-293.710
Այլ ոչ գործառնական շահույթ (վնաս)	-593.077	471.575
Սովորական գործունեությունից շահույթ (վնաս)	-546.948	1.548.567
Զուտ շահույթ (վնաս) նախքան շահութահարկի գծով ծախսի նվազեցումը	-546.948	1.548.567
Շահութահարկի գծով ծախս (փոխհատուցում)	-50.990	-231.283
Զուտ շահույթ (վնաս) շահութահարկի գծով ծախսի նվազեցումից հետո	-597.938	1.317.284
Շարունակվող գործունեությունից զուտ շահույթ (վնաս)		
Ընդհատված գործունեությունից զուտ շահույթ (վնաս)	-597.938	1.317.284
Ընդամենը զուտ շահույթ (վնաս)	-597.938	1.317.284
Այլ համապարփակ ֆինանսական արդյունք		
Ընդհանուր համապարփակ ֆինանսական արդյունք	-597.938	1.317.284

Ղեկավար՝
Ս. Պետրոսյան



Գլխավոր հաշվապահ՝
Ա. Խաչատրյան

Համապարփակ ֆինանսական արդյունքների մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 7-ից մինչև 29-րդ էջերում ներկայացված կից ծանոթագրությունների հետ մեկտեղ:

Սեփական կապիտալում փոփոխությունների մասին հաշվետվություն

Նախորդ տարի /Ժամանակաշրջան/


	Կանոնադրական կապիտալ	Էմիսիոն եկամուտ	Կուտակված շահույթ /վնաս/	Վերագնահատումից տարբերություններ	Ընդամենը
2020թ. հունվարի 1-ի դրությամբ	168.430	32.765	-2.496.539	3.780.267	1.484.923
Հաշվետու տարվա (Ժամանակաշրջանի) զուտ շահույթ /վնաս/			-597.938		-598.014
Այլ համապարփակ ֆինանսական արդյունքներ					
Ներքին շարժեր					
Մնացորդը առ 2020թ. դեկտեմբերի 31-ի դրությամբ	168.430	32.765	-3.094.477	3.780.267	886.985

Ընթացիկ տարի /Ժամանակաշրջան/

2021թ. հունվարի 1-ի դրությամբ	168.430	32.765	-3.094.477	3.780.267	886.985
Հաշվետու տարվա (Ժամանակաշրջանի) զուտ շահույթ /վնաս/			1.317.284		1.317.284
Այլ համապարփակ ֆինանսական արդյունքներ					
Ներքին շարժեր			-51.770		-51.770
Մնացորդը առ 2021թ. դեկտեմբերի 31-ի դրությամբ	168.430	32.765	-1.828.963	3.780.267	2.152.499

Ղեկավար՝

Ս. Պետրոսյան




Ս. Խաչատրյան



Սեփական կապիտալում փոփոխությունների մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 7-ից պակաս 29-րդ հոդվածի ներկայացված կից ծանոթագրությունների հետ:

մեկտեղ:

Դրամական միջոցների հոսքերի մասին հաշվետվություն

Ցուցանիշի անվանումը	2020թ. դեկտեմբերի 31-ին ավարտված տարի	2021թ. դեկտեմբերի 31-ին ավարտված տարի
Դրամական միջոցների տարեսկզբի մնացորդը	12.397	17.490
<i>Գործառնական գործունեությունից դրամական միջոցների մուտքեր</i>		
Արտադրանքի, ապրանքների, աշխատանքների, ծառայությունների իրացումից	7.153.440	8.977.310
Գործառնական այլ գործունեությունից	85.195	1.162
Ընդամենը գործառնական գործունեությունից մուտքեր	7.238.635	8.978.472
<i>Գործառնական գործունեությունից դրամական միջոցների էլքեր</i>		
Նյութերի, ապրանքների ձեռքբերման գծով	4.318.130	6.318.338
Աշխատանքների կատարման, ծառայությունների մատուցման գծով	524.446	524.446
Վճարումներ աշխատակիցներին և նրանց անունից	323.093	367.357
Վճարումներ բյուջե	701.137	765.175
Վճարումներ սոցիալական ապահովագրության հիմնադրամ	6.867	8.025
Գործառնական այլ գործունեությունից էլքեր	3.645	6.140
Ընդամենը գործառնական գործունեությունից էլքեր	5.877.319	7.989.482
Գործառնական գործունեությունից դրամական միջոցների զուտ հոսքեր	1.361.316	988.990
<i>Ներդրումային գործունեությունից դրամական միջոցների մուտքեր</i>		
Ներդրումային գործունեությունից մուտքեր	437.482	437.481
Ընդամենը ներդրումային գործունեությունից մուտքեր	437.482	437.481
<i>Ներդրումային գործունեությունից դրամական միջոցների էլքեր</i>		
Ներդրումային այլ գործունեությունից էլքեր	1.457.474	1.338.286
Ընդամենը ներդրումային գործունեությունից էլքեր	1.457.474	1.333.286
Ներդրումային գործունեությունից դրամական միջոցների զուտ հոսքեր	-1.019.992	-900.805
<i>Ֆինանսական գործունեությունից դրամական միջոցների մուտքեր</i>		
Ստացված վարկերից և այլ փոխառություններից	1.328.240	4.764.441
Ֆինանսական այլ գործունեությունից մուտքեր		
Ընդամենը ֆինանսական գործունեությունից մուտքեր	1.328.240	4.764.441
<i>Ֆինանսական գործունեությունից դրամական միջոցների էլքեր</i>		
Ստացված վարկերի և փոխառությունների մարումից	1.224.444	4.430.136
Վճարված շահաբաժիններ և տոկոսներ	391.122	371.483
Ֆինանսական այլ գործունեությունից էլքեր	21.583	53.202
Ընդամենը ֆինանսական գործունեությունից էլքեր	1.637.150	4.854.821
Ֆինանսական գործունեությունից դրամական միջոցների զուտ հոսքեր	-308.910	-90.380
Ընդամենը դրամական միջոցների զուտ հոսքեր	32.414	-2.195
Արտարժույթի փոխարժեքային տարբերություններ**	-27.321	-14.511
Դրամական միջոցների մնացորդը հաշվետու ժամանակաշրջանի վերջին օրվա դրությամբ	17.490	785

Ղեկավար՝

[Handwritten signature]



Փոխնախագահ՝

[Handwritten signature]

«ՄԱՊ» ՓԲԸ
Ֆինանսական հաշվետվություններ 2021թ. դեկտեմբերի

Մ. Պետրոսյան

15.08.2022



Մ. Պետրոսյան

Ֆինանսական հաշվետվությունների կց ծանոթագրություններ

1. Գործունեության բնույթը և ընդհանուր տեղեկություններ

«ՄԱՊ» ՓԲԸ-ն (այսուհետ՝ Ընկերություն) ստեղծվել է և պետական գրանցում է ստացել 28.08.2001 թվականին (գրանցման վկայական՝ 03Ա-051578, գրանցման թիվ՝ 83.120.00929):

06.08.2013թ-ին կայացած համատեղ ընդհանուր ժողովի համաձայն կատարվել է «Հոկտեմբերյանի կոնյակի գործարան» ՓԲԸ-ի մացում «ՄԱՊ» ընկերությանը:

Ընկերության գործունեության նպատակն է տնտեսական գործունեություն իրականացնելու ճանապարհով շահույթի ստացումը:

Ընկերության հարկ վճարողի հաշվառման համարն է 04403587:

Ընկերությունը մասնաճյուղեր, ներկայացուցչություններ կամ հիմնարկներ չունի:

Աշխատակիցների ցուցակային թվաքանակը 2020թ. դեկտեմբերի 31-ի դրությամբ կազմել է 298 անձ, իսկ 2021թ. դեկտեմբերի 31-ի դրությամբ կազմել է 302 անձ :

Ընկերության իրավաբանական հասցեն է՝ Հայաստանի Հանրապետություն, Արմավիրի մարզ, Գ. Լեւոնուի իսկ գրասենյակի գտնվելու վայրը՝ Երևան, Կիևյան 8:

2. Հաշվետվությունների պատրաստման հիմքերը

2.1 Համապատասխանությունը և ներկայացման հիմունքը

Մույն ֆինանսական հաշվետվությունները պատրաստվել են ՀՀ կառավարության 11.03.2010թ. «Ֆինանսական հաշվետվությունների միջազգային ստանդարտները և միջազգային ստանդարտների ուղեցույցները հրապարակելու մասին» N 235-Ն որոշման պահանջներին համապատասխան:

Ֆինանսական հաշվետվությունները կազմվել են ճշմարիտ ներկայացման հիմունքով: Ծճարիտ ներկայացումը պահանջում է գործառնությունների, այլ դեպքերի և իրադարձությունների ճիշտ ներկայացում՝ ակտիվների, պարտավորությունների, եկամուտների և ծախսերի համար ՖՀՄՍ-ներում տրված սահմանումների և ճանաչման չափանիշների համաձայն:

2.2 Չափման հիմքերը և հաշվեգրման հիմունքը

Ֆինանսական հաշվետվությունները պատրաստվել են իրական արժեքի սկզբունքի հիման վրա ֆինանսական արդյունքներով ճշգրտվող իրական արժեքով հաշվառվող ֆինանսական ակտիվների ու պարտավորությունների, ինչպես նաև վաճառքի համար մատչելի ակտիվների համար, բացառությամբ այն ակտիվների, որոնց իրական արժեքը հնարավոր չէ որոշել: Այլ ֆինանսական ակտիվներն ու պարտավորությունները, ինչպես նաև ոչ ֆինանսական ակտիվներն ու պարտավորությունները հաշվառվում են ամորտիզացված արժեքով:

Ֆինանսական հաշվետվությունները, բացառությամբ դրամական հոսքերի մասին հաշվետվության, կազմվել են հաշվապահական հաշվառման հաշվեգրման հիմունքին համապատասխան:

2.3 Ֆունկցիոնալ և ներկայացման արժույթ

Ընկերության ֆունկցիոնալ արժույթը դա այն հիմնական տնտեսական միջավայրի արժույթն է, որտեղ Ընկերությունը իրականացնում է գործունեություն: Ընկերության ֆունկցիոնալ և ներկայացման արժույթ է հանդիսանում Հայաստանի Հանրապետության դրամը (այսուհետ՝ ՀՀ դրամ), քանի որ այս արժույթն է լավագույն կերպով արտացոլում ֆինանսական հաշվետվությունների հիմքում ընկած իրադարձությունների և Ընկերության գործարքների տնտեսական բովանդակությունը: Ֆինանսական հաշվետվությունները ներկայացված են հազար դրամներով՝ առաջ ստորակետից հետո տասնորդական ճիշտ:

2.4 Հաշվապահական հաշվառման քաղաքականություն

Ընկերությանը ունի հաստատված հաշվապահական հաշվառման քաղաքականություն, որը կիրառվել է հետևողականորեն:

Սույն Շանթագրություններում ներկայացված են Ընկերության հաշվապահական հաշվառման քաղաքականության նշանակալի մասերի համառոտ նկարագիրը՝ համաձայն «Ֆինանսական հաշվետվությունների ներկայացում» ՖՀՄՍ 1-ի:

2.5 Հաշվանցում

Ֆինանսական ակտիվները և պարտավորությունները, եկամուտներն ու ծախսերը հաշվեկշռում ներկայացվում են հաշվանցված, եթե գոյություն ունի օրենսդրորեն հաստատված իրավունք իրականացնելու հաշվառված գումարների հաշվանցում, ինչպես նաև մտադրություն իրականացնելու հաշվանցում կամ միաժամանակ իրացնելու ակտիվը և մարելու պարտավորությունը:

2.6 Կարևորագույն հաշվապահական գնահատումներ և դատողություններ

ՖՀՄՍ-ների համաձայն ֆինանսական հաշվետվությունների պատրաստումը պահանջում է, որ Ընկերության ղեկավարությունը կատարի կարևորագույն հաշվապահական գնահատումներ, դատողություններ և ենթադրություններ, որոնք ազդեցություն են թողնում ֆինանսական հաշվետվությունների ամսաթվի դրությամբ ակտիվների և պարտավորությունների ներկայացվող գումարների, ինչպես նաև հաշվետու ժամանակաշրջանի եկամուտների և ծախսերի վրա: Գնահատումները և դրանց հետ կապված ենթադրությունները, հիմնվելով պատմական փորձի և այլ գործոնների վրա, որոնք հիմնավորված են տվյալ պայմաններում, հիմք են հանդիսանում դատողություններ անելու այն ակտիվների և պարտավորությունների հաշվեկշռային արժեքների վերաբերյալ, որոնց արժեքը հնարավոր չէ որոշել այլ վստահելի աղբյուրներից: Ամեն դեպքում, չնայած գնահատումները հիմնվում են ղեկավարության կողմից ընթացիկ իրադարձությունների լավագույն պատկերացումների վրա, փաստացի արդյունքները վերջին հաշվով կարող են տարբերվել կատարված գնահատումներից:

2.7 Տարեկան բարելավումներ, որոնք վաղաժամ չեն կիրառվել Ընկերության կողմից

2010թ. ՀՀՄՄԽ կողմից հրապարակված տարեկան բարելավումները, որոնց մեծամասնությունը ուժի մեջ է մտել 2011թ. հունվարի 1-ին և այդ ամսաթվից հետո սկսվող տարեկան ժամանակաշրջանների համար, վաղաժամ չեն ընդունվել Ընկերության կողմից: Այս բարելավումները Ընկերությունը կկիրառի առաջընթաց՝ անցումային դրույթներին համապատասխան: Գեկավարությունը հավատացած է, որ այս փոփոխությունների մեծ մասը կիրառելի չի լինի Ընկերության համար կամ էական ազդեցություն չի ունենա Ընկերության ֆինանսական հաշվետվությունների վրա:

3. Հաշվապահական հաշվառման քաղաքականության նշանակալի մասերի համառոտ նկարագիր

3.1. Հաշվապահական հաշվառման քաղաքականության կիրառումը

Ընկերությունը ունի հաստատված հաշվապահական հաշվառման նոր քաղաքականությունը, որը կիրառվել է հետևողականորեն:

3.2 Ֆինանսական հաշվետվությունների կազմը

Ֆինանսական հաշվետվությունների փաթեթում ներառված են.

ա) ֆինանսական վիճակի մասին հաշվետվություն՝ հաշվետու ամսաթվի դրությամբ: Ընթացիկ և ոչ ընթացիկ ակտիվներն ու պարտավորությունները ներկայացված են առանձին դասակարգմամբ,

բ) համապարփակ ֆինանսական արդյունքների մասին հաշվետվություն՝ հաշվետու ժամանակաշրջանի համար: Ընկերությունը ներկայացնում է շահույթում կամ վնասում ճանաչված ծախսերի բաժանումը (վերլուծումը)՝ օգտագործելով դրանց գործառույթի վրա հիմնված դասակարգումը,

գ) սեփական կապիտալում փոփոխությունների մասին հաշվետվություն՝ հաշվետու ժամանակաշրջանի համար,

դ) դրամական միջոցների հոսքերի մասին հաշվետվություն՝ հաշվետու ժամանակաշրջանի համար:

Գործառնական գործունեությունից առաջացող դրամական միջոցների հոսքերի մասին տեղեկատվությունը ներկայացված է ուղղակի մեթոդով: Վճարված տոկոսները դասակարգվում են որպես ֆինանսավորման, իսկ վճարված հարկերը՝ որպես գործառնական գործունեությունից առաջացող դրամական միջոցների հոսքեր,

ե) սեփական կապիտալի համաձայնեցման հաշվետվություն, որտեղ ներկայացված են 2010 և 2011 թվականների դեկտեմբերի 31-ի դրությամբ ընկերության ակտիվների և պարտավորությունների մնացորդային արժեքների փոփոխություններն այնպես, կարծես թե հաշվապահական հաշվառման նոր քաղաքականությունը ի սկզբանե կիրառվել է,

զ) ծանոթագրություններ, որոնք բաղկացած են հաշվապահական հաշվառման քաղաքականության նշանակալի մասերի համառոտ նկարագրից և այլ բացատրական տեղեկատվությունից:

3.3 Հիմնական միջոցներ

Հիմնական միջոցը, որպես ակտիվ ճանաչվելուց հետո, հաշվառվում է սկզբնական արժեքով՝ հանած կուտակված մաշվածությունը և արժեզրկումից կորուստները: Սկզբնական արժեքի տարբեր են, մասնավորապես՝ գնման գինը, ներկրման տուրքերը, չփոխհատուցվող հարկերը և պարտադիր այլ վճարները, ակտիվը համապատասխան վայր հասցնելու և ղեկավարության նախանշած նպատակներով օգտագործման համար աշխատանքային վիճակի բերելու հետ ուղղակիորեն կապված ցանկացած ծախսում: Գործարկման և նման նախատարադրական ծախսումները հիմնական միջոցների սկզբնական արժեքում չեն ներառվում: Սկզբնական արժեքը որոշելիս առևտրային զեղչերը և արտոնությունները հանվում են: Երբ ակտիվի հաշվեկշռային արժեքը ավելի մեծ է նրա գնահատված փոխհատուցվող գումարից ոչ ժամանակավոր հանգամանքների պատճառով, այն անմիջապես նվազեցվում է մինչև այդ փոխհատուցվող գումարը:

Անավարտ շինարարությանը պատկանող ակտիվները հաշվառվում են փաստացի ծախսերի և արժեզրկումից կորուստների տարբերությամբ: Շինարարական աշխատանքների ավարտից հետո ակտիվները փոխանցվում են հիմնական միջոցներին և հաշվառվում են իրենց մնացորդային արժեքով:

Մաշվածությունը հաշվարկվում է գծային մեթոդով, ակտիվի օգտակար ծառայության ժամկետի ընթացքում՝ կիրառելով հետևյալ տարեկան դրույքաչափերը.

h/h	Հիմնական միջոցը	Օգտակար ծառայության ժամկետը (տարի)	Տարեկան մաշվածության դրույք(%)
1.	շենք, շինություններ	20	5
2.	մեքենաներ և սարքավորումներ,	5-8	20-12.5
3.	տրանսպորտային միջոցներ	5-8	20-12.5
4.	արտադրական և տնտեսական գույք	5	20
5.	համակարգչային սարքավորումներ	1	100
6.	այլ հիմնական միջոցներ	5-8	20-12.5

Վարձակալված հիմնական միջոցների վրա ուղղված կապիտալ բնույթի ծախսումները կապիտալացվում և ամորտիզացվում են գծային հիմունքով՝ վարձակալման ժամկետի և հիմնական միջոցների և դրանց օգտակար ծառայության ժամկետներից նվազագույնով: Անավարտ շինարարությանը պատկանող ակտիվները չեն ամորտիզացվում քանի դեռ պատրաստ չեն

օգտագործման համար:

Հիմնական միջոցների վերանորոգման և պահպանման հետ կապված ծախսումները ֆինանսական արդյունքի մասին հաշվետվությունում ճանաչվում են որպես ծախս՝ դրանց կատարման պահին: Կապիտալ բնույթի նորոգման ծախսումները ավելացվում են ակտիվի հաշվեկշռային արժեքին, երբ այդ ծախսումները կատարվում են, և եթե բավարարում են ակտիվի ճանաչման չափանիշներին: Այս ծախսումների մաշվածությունը հաշվարկվում է համապատասխան ակտիվի օգտակար ծառայության մնացորդային ժամկետի ընթացքում:

Հիմնական միջոցի իրացումից առաջացած օգուտ կամ վնասը որոշվում է որպես ակտիվի իրացումից զուտ մուտքերի և հաշվեկշռային արժեքի տարբերություն և հաշվառվում է գործառնական շահություն:

Ակտիվների մնացորդային արժեքները, օգտակար ծառայության ժամկետները և ակտիվի համար կիրառվող մաշվածության հաշվարկման մեթոդը վերանայվում են յուրաքանչյուր ֆինանսական տարվա վերջին օրվա դրությամբ, և եթե ակնկալիքները տարբերվում են նախորդ գնահատումներից, ապա փոփոխությունները հաշվի են առնվում որպես փոփոխություն հաշվապահական հաշվառման գնահատումներում: Այս փոփոխությունները կիրառվում են առաջընթաց կերպով՝ նոր ակնկալիքներն արտացոլելու նպատակով:

Հիմնական միջոցի հաշվեկշռային արժեքը ապահանջվում է, երբ այն օտարվում է կամ ապագա ոչ մի տնտեսական օգուտ չի ակնկալվում դրա օգտագործումից կամ օտարումից:

3.4 Ոչ նյութական ակտիվներ

Ոչ նյութական ակտիվը ճանաչվում է միմիայն այն դեպքում, երբ հավանական է, որ ակտիվին վերագրելի ակնկալվող ապագա տնտեսական օգուտները կհոսեն կազմակերպություն և ակտիվի արժեքը կարող է արժանահավատորեն չափվել: Ոչ նյութական ակտիվը սկզբնապես չափվում է սկզբնական արժեքով:

Առանձին ձեռք բերված ոչ նյութական ակտիվները սկզբնապես ճանաչվում են ինքնարժեքով: Նախնական ճանաչումից հետո ոչ նյութական ակտիվները հաշվառվում են ինքնարժեքով՝ նվազեցնելով կուտակված ամորտիզացիան կամ արժեզրկումից կորուստները: Որոշակի օգտակար ծառայությունների ժամկետներ ունեցող ոչ նյութական ակտիվներն ամորտիզացվում են օգտակար ծառայության ընթացքում՝ գծային հիմունքով: Ամորտիզացիայի հաշվարկման մեթոդները և ժամկետները վերանայվում են յուրաքանչյուր ֆինանսական տարվա վերջում:

Անորոշ օգտակար ծառայությունների ժամկետներ ունեցող ոչ նյութական ակտիվները չեն ամորտիզացվում, սակայն յուրաքանչյուր տարի գնահատվում են արժեզրկման առումով՝ անհատապես կամ առանձին դրամաստեղծ միավորի համար: Անորոշ օգտակար ծառայությունների ժամկետներ ունեցող ոչ նյութական ակտիվները յուրաքանչյուր տարի հսկվում են հիմնավորելու համար նրանց հաշվառման շարունակականությունը նշված դասում:

3.5 Ներդրումներ ասոցիացված կազմակերպություններում

Ասոցիացված կազմակերպությունում ներդրումը հաշվառվում է ինքնարժեքով՝ հանած կուտակված արժեզրկումից կորուստները:

3.6 Պաշարներ

Պաշարները չափվում են ինքնարժեքից և իրացման զուտ արժեքից նվազագույնով: Պաշարների ինքնարժեքը ներառում է դրանց ձեռքբերման, արտադրանքի վերամշակման բոլոր ծախսումները և պաշարները ներկա գտնվելու վայր և վիճակի բերելու հետ կապված բոլոր այլ ծախսումները:

Պաշարների ինքնարժեքը հաշվարկվում է միջին կշռված արժեքի մեթոդով:

Պաշարների ձեռքբերման ծախսումները ներառում են ձեռքբերման գինը, ներկրման հարկերը և տուրքերը (բացառությամբ նրանց, որոնք հարկային մարմինների կողմից ենթակա են Ընկերությանը ետ վերադարձման), ինչպես նաև տրանսպորտային, բեռնման-բեռնաթափման և այլ ծախսումները, որոնք ուղղակիորեն կապված են ապրանքների և նյութերի ձեռքբերման հետ: Ձեռքբերման ծախսումները որոշելիս առևտրային զեղչերը, գների իջեցումները և նպանատիպ այլ ճշգրտումները հանվում են:

Պաշարների վերամշակման ծախսումները ներառում են արտադրանքի վերամշակման հետ ուղղակիորեն կապված ծախսումները: Դրանք ներառում են նաև պատրաստի արտադրանքի վրա պարբերաբար բաշխվող հաստատուն և փոփոխուն արտադրական վերադիր ծախսումները, որոնք կատարվում են նյութերը պատրաստի արտադրանք դարձնելու (վերամշակելու) ընթացքում:

Պաշարների իրացման գուտ արժեքը դա սովորական գործունեության ընթացքում վաճառքի ենթադրվող գինն է՝ հանած համարման ենթադրվող ծախսումները և վաճառքը կազմակերպելու համար անհրաժեշտ ենթադրվող ծախսումները:

Երբ պաշարները վաճառվում են, դրանց հաշվեկշռային արժեքը ճանաչվում է որպես ծախս այն ժամանակաշրջանում, երբ ճանաչվում է դրանց հետ կապված հասույթը:

3.7 Ֆինանսական գործիքներ

3.7.1 Ֆինանսական ակտիվներ և ֆինանսական պարտավորություններ. դրանց ճանաչումն ու ապաճանաչումը

Ընկերությունը ֆինանսական ակտիվները և պարտավորություններն իր ֆինանսական վիճակի մասին հաշվետվությունում ճանաչում է այն և միայն այն դեպքում, երբ նա դառնում է գործիքի պայմանագրային կողմ:

Ապաճանաչումը դա Ընկերության ֆինանսական վիճակի մասին հաշվետվությունից նախկինում ճանաչված ֆինանսական ակտիվի կամ ֆինանսական պարտավորության դուրսբերումն է: Ֆինանսական ակտիվները ապաճանաչվում են, երբ լրանում են ֆինանսական ակտիվից ակնկալվող դրամական հոսքերի նկատմամբ պայմանագրային իրավունքները, կամ երբ փոխանցվում են ֆինանսական ակտիվները, բոլոր նշանակալից ռիսկերն ու հատուցումները: Ֆինանսական պարտավորությունները ապաճանաչվում են, երբ դրանք մարվում են, վճարման ենթակա չեն, չեղյալ են ճանաչվել կամ լրացել է դրանց ուժի մեջ լինելու ժամկետը:

Ֆինանսական ակտիվները և ֆինանսական պարտավորությունները սկզբնապես ճանաչվում են իրական արժեքով՝ գումարած գործարքի հետ կապված ծախսումները, բացառությամբ այն ֆինանսական ակտիվների և ֆինանսական պարտավորությունների, որոնք սկզբնապես դասակարգվում են որպես ֆինանսական արդյունքներով ճշգրտվող՝ իրական արժեքով չափվող ֆինանսական ակտիվներ և ֆինանսական պարտավորություններ: Ֆինանսական ակտիվները սկզբնական ճանաչման ժամանակ վերագրվում են տարբեր կատեգորիաների՝ կախված գործիքի բնույթից և նպատակից:

Ֆինանսական գործիքի կատեգորիան համապատասխանում է այն սկզբունքին, որով չափվում է տվյալ գործիքը և որը ցույց է տալիս, թե իրական արժեքի փոփոխության արդյունքում ստացվող օգուտներն ու վնասերը պետք է ճանաչվեն համապարփակ ֆինանսական արդյունքների մասին հաշվետվությունում, թե ուղղակիորեն սեփական կապիտալում:

Ընկերության կողմից ֆինանսական գործիքները դասակարգվում են հետևյալ կատեգորիաների. ֆինանսական արդյունքներով ճշգրտվող՝ իրական արժեքով չափվող ֆինանսական ակտիվներ և ֆինանսական պարտավորություններ, մինչև մարման ժամկետը պահվող ներդրումներ, փոխառություններ և դեբիտորական պարտքեր, վաճառքի համար մատչելի ֆինանսական ակտիվներ: Ներդրումների նման դասակարգումը կատարվում է դրանց ձեռքբերման պահին՝ Ընկերության ղեկավարության կողմից սահմանված գնահատումների հիման վրա՝ հաշվի առնելով ձեռքբերման նպատակները:

Ակտիվների հետագա վերադասակարգումը կատարվում է անհրաժեշտության և հնարավորության դեպքում՝ յուրաքանչյուր ֆինանսական տարվա ավարտից հետո:

Ֆինանսական ակտիվների հետ կապված բոլոր ծախսերը և եկամուտները ճանաչվում են համապարփակ ֆինանսական արդյունքների մասին հաշվետվությունում՝ համապատասխանաբար «ֆինանսական ծախս» և «ֆինանսական եկամուտ» հոդվածներում:

3.7.2 Ֆինանսական արդյունքներով ճշգրտվող՝ իրական արժեքով հաշվառվող ֆինանսական ակտիվներ և ֆինանսական պարտավորություններ

Այս կատեգորիայում հաշվառվում են առևտրական նպատակներով պահվող ֆինանսական ակտիվները և ֆինանսական արդյունքներով ճշգրտվող՝ իրական արժեքով հաշվառվող ֆինանսական

ակտիվները: Ֆինանսական ակտիվը հաշվառվում է այս կատեգորիայում, եթե այն ձեռք է բերվում կարճ ժամկետում վաճառքի նպատակով կամ եթե այդպես է որոշվում ղեկավարության կողմից նշված ակտիվի ձեռք բերման պահին:

Իր բնականոն գործունեության ընթացքում, արտարժույթի և կապիտալի շուկաներում, Ընկերությունը հանդես է գալիս որպես ածանցյալ գործիքներով պայմանագրերի կողմ, որոնք ներառում են, սվոպեր և օպցիոններ: Բոլոր ածանցյալ գործիքները դասակարգվում են որպես առևտրական նպատակներով պահվող և դրանց հաշվառումը իրականացվում է ֆինանսական գործիքների նախնական ճանաչման քաղաքականությունների համաձայն, այնուհետև դրանք վերաչափվում են իրական արժեքով: Իրական արժեքը որոշվում է շուկաներում գնանշումներով կամ այնպիսի մոդելների կիրառմամբ, որոնց հիմքում ընկած են շուկաների ընթացիկ վիճակների գնահատումները և բազային գործիքների պայմանագրային գները և այլ գործոններ: Դրական իրական արժեք ունեցող ածանցյալ գործիքները հաշվառվում են որպես ակտիվ, իսկ բացասական իրական արժեքով ածանցյալ գործիքները՝ որպես պարտավորություն: Նշված գործառնություններից արդյունքները հաշվառվում են որպես առևտրային նպատակներով պահվող ակտիվներից կամ արտարժույթային գործառնություններից շահույթ կամ վնաս, կախված ածանցյալ գործիքների բնույթից:

Այլ ֆինանսական գործիքների բաղադրիչ հանդիսացող ածանցյալ գործիքները հաշվառվում են որպես առանձին ածանցյալ գործիքներ, եթե դրանց գծով ռիսկերը և առանձնահատկությունները խիստ կապված չեն հիմնական պայմանագրի ռիսկերից և առանձնահատկություններից, և հիմնական պայմանագիրը չի հաշվառվում իրական արժեքով՝ ճշգրտվող ֆինանսական արդյունքներով: Ներառված ածանցյալ գործիքը հանդիսանում է բարդ ֆինանսական գործիքի բաղադրիչ, որը ներառում է ինչպես հիմնական բաղադրիչը, այնպես էլ ածանցյալ բաղադրիչը, ինչի արդյունքում որոշ դրամական հոսքեր հիմնական գործիքի և ինքնուրույն ածանցյալ գործիքի փոփոխվում են մույն ձևով:

Ֆինանսական ակտիվներն ու պարտավորությունները դասակարգվում են որպես ֆինանսական արդյունքներով ճշգրտվող՝ իրական արժեքով հաշվառվող, երբ.

այդպես վարվելը զգալիորեն կնվազեցնի չափման անհամապատասխանությունները, որոնք կառաջանային, եթե կապված ածանցյալ գործիքները համարվեին առևտրական նպատակներով պահվող, իսկ հիմք հանդիսացող ֆինանսական գործիքները հաշվառվեին ամորտիզացված գումարով, ինչպես փոխառությունները կամ հաճախորդներին տրվող կանխավճարները:

3.7.3 Իրական արժեք

Ղեկավարության համոզմամբ՝ ֆինանսական հաշվետվություններում ամորտիզացված արժեքով ճանաչված ֆինանսական ակտիվների և պարտավորությունների հաշվեկշռային արժեքները գրեթե հավասար են դրանց իրական արժեքին:

Իրական արժեքը որոշվում է՝ հաշվետու ամսաթվի դրությամբ զեղչելով համապատասխան դրամական միջոցների հոսքերը՝ օգտագործելով նմանատիպ գործիքների գծով շուկայական տոկոսադրույք: Արդյունքում, ղեկավարության համոզմամբ, ֆինանսական ակտիվների և պարտավորությունների իրական արժեքը համապատասխանում է դրանց հաշվեկշռային արժեքին:

3.7.4 Փոխառություններ, առևտրական և այլ դեբիտորական պարտքեր

Փոխառությունները և դեբիտորական պարտքերը ֆիքսված կամ որոշելի վճարումներով ֆինանսական ակտիվներն են, որոնք ստեղծվում են Ընկերության կողմից ուղղակիորեն պարտապահին դրամ տրամադրելու միջոցով՝ առանց պարտքը վաճառելու մտադրության:

Ֆիքսված ժամկետներով տրամադրված փոխառությունները սկզբնապես ճանաչվում են իրական արժեքով՝ գումարած գործարքից ծախսումները: Երբ տրամադրված գումարների իրական արժեքը տարբերվում է փոխառության իրական արժեքից, օրինակ երբ փոխառությունը տրամադրվում է շուկայականից ցածր տոկոսադրույքով, տրամադրված գումարի և փոխառության իրական արժեքների տարբերությունը փոխառության սկզբնական ճանաչման ժամանակ ձևակերպվում է որպես ծախս շուկայականից ցածր դրույքներով ակտիվների տեղաբաշխումից՝ ֆինանսական արդյունքների մասին հաշվետվությունում: Այնուհետև փոխառությունները չափվում են ամորտիզացված արժեքով՝ կիրառելով արդյունավետ տոկոսադրույքի մեթոդը: Ֆիքսված մարման ժամկետ չունեցող փոխառությունները հաշվառվում են ամորտիզացված արժեքով՝ ելնելով մարման ենթադրվող ժամկետներից: Հիմնադիրներին տրված փոխառությունների գումարները նվազեցվում են դրանց գծով արժեգրկումից պահուստների

գումարներով: Փոխառության բոլոր ծախսումները ճանաչվում են այն ժամանակաշրջանի շահույթում կամ վնասում, որի ընթացքում դրանք կատարվել են:

Ընթացիկ դեբիտորական պարտքերը սկզբնապես ճանաչվում են իրական արժեքով: Հետագայում դրանք հաշվառվում են ամորտիզացված արժեքով՝ հանած արժեզրկման պահուստը: Առևտրային դեբիտորական պարտքերի արժեզրկման պահուստը ստեղծվում է այն ժամանակ, երբ առկա է օբյեկտիվ ապացույց, որ Ընկերությունը չի կարող հավաքագրել վերադարձման ենթակա բոլոր գումարները սկզբնապես սահմանված ժամկետներում: Պահուստի գումարը դա ակտիվի հաշվեկշռային արժեքի և սկզբնական արդյունավետ տոկոսադրույքով զեղչված ապագա դրամական հոսքերի ներկա արժեքի տարբերությունն է:

Պահուստի մնացորդը ճշգրտվում է հաշվետու ժամանակաշրջանի համապարփակ ֆինանսական արդյունքների մասին հաշվետվությունում՝ ծախսի կամ եկամտի ճանաչման միջոցով: Հաճախորդի հաշվի մնացորդից դուրս գրվող ցանկացած գումար նվազեցվում է առկա կասկածելի դեբիտորական պարտքի պահուստից: Բոլոր դեբիտորական պարտքերը, որոնց հավաքագրումը գնահատվում է անհավանական, դուրս են գրվում:

Արտարժույթով արտահայտված առևտրական դեբիտորական պարտքերը վերահաշվարկվում են դրամական կորուստերով՝ հաշվետու ամսաբաժնի դրությամբ գործարարական կապերից հետևող փոխարժեքային տարբերությունից առաջացող օգուտները կամ վնասները արտացոլվում են համապարփակ ֆինանսական արդյունքների մասին հաշվետվության «Այլ ոչ գործառնական շահույթ (վնաս)» տողում:

3.7.5 Առևտրական կրեդիտորական պարտքեր

Առևտրական կրեդիտորական պարտքերը վճարման սովորական պայմանների հիմունքով Ընկերության պարտականություններն են: Դրանց գծով տոկոսներ չեն հաշվառվում:

3.7.6 Ամորտիզացված արժեքով չափվող ֆինանսական գործիքներ

Ընկերության ամորտիզացված արժեքով չափվող ֆինանսական գործիքները ժամկետային ավանդներն են, ստացված վարկերն ու փոխառությունները: Ամորտիզացված արժեքը չափվում է՝ կիրառելով արդյունավետ տոկոսադրույքի մեթոդը:

Արդյունավետ տոկոսադրույքը այն դրույքն է, որը ֆինանսական գործիքի գործողության ակնկալվող ժամկետի կամ, երբ տեղին է, ավելի կարճ ժամանակաշրջանի համար, գնահատված դրամական միջոցների ապագա վճարումները կամ ստացվելիք գումարները ճշգրտորեն զեղչում է մինչև ֆինանսական ակտիվի կամ ֆինանսական պարտավորության հաշվեկշռային արժեքը: Արդյունավետ տոկոսադրույքը որոշվում է ֆինանսական ակտիվի կամ ֆինանսական պարտավորության սկզբնական ճանաչման պահի դրությամբ հաշվեկշռային արժեքի հիման վրա: Արդյունավետ տոկոսադրույքի մեթոդի համաձայն՝

ա) ֆինանսական ակտիվի (պարտավորության) ամորտիզացված արժեքը ապագա դրամական մուտքերի (վճարումների) ներկա արժեքն է՝ զեղչված արդյունավետ տոկոսադրույքով,

բ) ժամանակաշրջանի տոկոսային ծախսը (եկամուտը) հավասար է ժամանակաշրջանի սկզբի դրությամբ ֆինանսական պարտավորության (ակտիվի) հաշվեկշռային արժեքի և ժամանակաշրջանի արդյունավետ տոկոսադրույքի արտադրյալին:

Արդյունավետ տոկոսադրույքը հաշվարկելիս Ընկերությունը գնահատում է դրամական միջոցների հոսքերը՝ հաշվի առնելով ֆինանսական գործիքի բոլոր պայմանագրային պայմանները և այն հայտնի պարտքային կորուստները, որոնք Ընկերությունը կրել է, սակայն այն չպետք է հաշվի առնի դեռևս չկրած ապագա պարտքային հնարավոր կորուստները:

3.7.7 Ֆինանսական ակտիվների արժեզրկում

Յուրաքանչյուր հաշվետու ամսաբաժնի դրությամբ ֆինանսական ակտիվները, բացառությամբ այն ֆինանսական ակտիվների, որոնք չափվում են իրական արժեքով՝ շահույթի կամ վնասի միջոցով, գնահատվում են արժեզրկման հայտանիշի առկայության համար: Ֆինանսական ակտիվներն արժեզրկված են, եթե առկա է անկողմնակալ վկայություն, որ ֆինանսական ակտիվների սկզբնական ճանաչումից հետո տեղի ունեցած մեկ կամ մի քանի իրադարձություններ սզդել են ակնկալվող դրամական միջոցների հոսքերի վրա:

Ամորտիզացված արժեքով հաշվառվող ֆինանսական ակտիվների գծով արժեզրկման կորուստը հաշվառվում է ակտիվի հաշվեկշռային արժեքի և սկզբնական արդյունավետ տոկոսադրույքով գեղջված դրամական միջոցների ակնկալվող սպագա հոսքերի ներկա արժեքի միջև տարբերությամբ: Բոլոր ֆինանսական ակտիվների համար արժեզրկումից կորուստն ուղղակիորեն նվազեցվում է ֆինանսական ակտիվի հաշվեկշռային արժեքից, բացառությամբ առևտրային դեբիտորական պարտքերի, որոնց հաշվեկշռային արժեքը նվազեցվում է կասկածելի պարտքի պահուստի միջոցով:

Բացառությամբ վաճառքի համար մատչելի սեփական կապիտալի գործիքների, եթե հետագա ժամանակաշրջանում արժեզրկման կորուստը նվազում է և նվազումը օբյեկտիվորեն կարելի է վերագրել արժեքի իջեցումից հետո տեղի ունեցած դեպքերին, սպա նախկինում ճանաչված արժեզրկման կորուստը հակադարձվում է՝ ճանաչվելով համապարփակ ֆինանսական արդյունքների մասին հաշվետվությունում այն չափով, որ հակադարձումը չհանգեցնի ֆինանսական ակտիվի այնպիսի հաշվեկշռային արժեքի, որը գերազանցի այն ամորտիզացված արժեքը, որը կլիներ, եթե այդ ֆինանսական ակտիվի արժեքի իջեցման հակադարձման ամսաթվի դրությամբ արժեզրկում ճանաչված չլիներ:

3.8 Հասույթ

Հասույթը չափվում է ստացված կամ ստացվելիք հատուցման իրական արժեքով: Երբ ծառայությունների մատուցման գործարքի արդյունքը հնարավոր է արժանահավատորեն գնահատել, գործարքից հասույթը ճանաչվում է հաշվետու ժամանակաշրջանի վերջի դրությամբ գործարքի ավարտվածության աստիճանի հիման վրա:

Գործարքի արդյունքը կարելի է արժանահավատորեն գնահատել, եթե բավարարվեն հետևյալ բոլոր պայմանները.

ա) հնարավոր է արժանահավատորեն չափել հասույթի գումարը,

բ) հավանական է, որ գործարքի հետ կապված տնտեսական օգուտները կհոսեն Ընկերություն,

գ) հնարավոր է արժանահավատորեն չափել հաշվետու ժամանակաշրջանի վերջի դրությամբ գործարքի ավարտվածության աստիճանը,

դ) հնարավոր է արժանահավատորեն չափել գործարքի համար կատարված և գործարքն ավարտելու համար անհրաժեշտ ծախսումները:

Պայմանագրի աշխատանքների ավարտվածության աստիճանը որոշվում է պայմանագրի աշխատանքների ուսումնասիրությամբ: Երբ պայմանագրի արդյունքը չի կարող արժանահավատորեն գնահատվել, սպա Ընկերությունը ճանաչում է հասույթը միայն պայմանագրի փաստացի կրած այն ծախսումների չափով, որոնք հավանական է, որ կփոխհատուցվեն, և ծախսումները որպես ծախս այն ժամանակաշրջանում, որի ընթացքում կատարվել են:

Ապրանքների վաճառքից ստացվող հասույթը ճանաչվում է, երբ բավարարված են հետևյալ բոլոր պայմանները.

ա) Ընկերությունը գնորդին է փոխանցում ապրանքների սեփականության հետ կապված ռիսկերի և հատույցների մշանակալի մասը

բ) Ընկերությունը չի պահպանում ո՛չ կառավարման շարունակական մասնակցություն (որը սովորաբար բխում է սեփականության իրավունքից), և ոչ էլ վաճառված ապրանքների նկատմամբ արդյունավետ վերահսկում

գ) հնարավոր է արժանահավատորեն չափել հասույթի գումարը,

դ) հավանական է, որ գործարքի հետ կապված տնտեսական օգուտները կհոսեն Ընկերություն,

ե) հնարավոր է արժանահավատորեն չափել գործարքի հետ կապված կամ կատարվելիք ծախսումները:

3.9 Վարձակալություն

Ակտիվների վարձակալությունը, որի դեպքում ակտիվի սեփականության հետ կապված, ըստ

էության, բոլոր ռիսկերն ու օգուտները պահպանվում են վարձատուի մոտ, դասակարգվում է որպես գործառնական վարձակալություն: Գործառնական վարձակալության շրջանակներում վարձավճարները ճանաչվում են որպես ծախս ֆինանսական արդյունքների մասին հաշվետվությունում գծային հիմունքով վարձակալության ժամկետի ընթացքում և ներառվում են գործառնական ծախսերում: Գործառնական վարձակալության տրված (ստացված) ակտիվները ճանաչվում են վարձատուի հաշվեկշռում:

Վարձակալությունը դասակարգվում է որպես ֆինանսական, եթե վարձակալին են փոխանցվում սեփականության հետ կապված, ըստ էության, բոլոր ռիսկերն ու հատույցները:

Վարձակալության դասակարգումը կատարվում է վարձակալության սկզբի դրությամբ: Դասակարգումը որպես ֆինանսական, թե գործառնական, կախված է գործարքի էությունից, այլ ոչ թե պայմանագրի ձևից:

3.10 Աշխատակիցների հատուցումներ

Աշխատակիցների կարճաժամկետ հատուցումները ներառում են աշխատավարձերը, կարճաժամկետ փոխհատուցելի բացակայությունները (ինչպիսիք են, օրինակ, վճարովի տարեկան արձակուրդները և հիվանդության հետ կապված վճարովի արձակուրդները) և պարգևավճարները:

Երբ աշխատակիցը հաշվետու ժամանակաշրջանի ընթացքում Ընկերությանը մատուցել է ծառայություն, աշխատակիցների կարճաժամկետ հատուցումների չգեղչված գումարը, որն ակնկալվում է վճարել այդ ծառայության դիմաց, ճանաչվում է՝

ա) որպես պարտավորություն՝ արդեն վճարված գումարները հանելուց հետո: Եթե արդեն վճարված գումարը գերազանցում է հատուցումների չգեղչված գումարը, Ընկերությունը այդ տարբերությունը ճանաչում է որպես ակտիվ՝ այն չափով, որով կանխավճարը կհանգեցնի, օրինակ, սպազա վճարումների կրճատման կամ դրամական միջոցների վերադարձի, և

բ) որպես ծախս, եթե այն չի ներառվում մեկ ուրիշ ակտիվի հաշվեկշռային արժեքի մեջ:

Ընկերությունը փոխհատուցելի բացակայությունների ձևով աշխատակիցների հատուցումների ակնկալվող ծախսումները ճանաչում է՝

- կուտակվող փոխհատուցելի բացակայությունների դեպքում (օրինակ՝ տարեկան արձակուրդ)՝ այն ժամանակ, երբ աշխատակիցները ծառայություն են մատուցում, որն ավելացնում է իրենց իրավունքները սպազա փոխհատուցելի բացակայությունների նկատմամբ, և
- չկուտակվող փոխհատուցելի բացակայությունների դեպքում (օրինակ՝ ժամանակավոր անաշխատունակություն)՝ այն ժամանակ, երբ բացակայությունը տեղի է ունենում:

Ընկերությունը կուտակվող փոխհատուցելի բացակայությունների գծով ակնկալվող ծախսումները չափում է որպես լրացուցիչ գումար, որն Ընկերությունը ակնկալում է վճարել որպես հաշվետու ժամանակաշրջանի վերջի դրությամբ կուտակված չօգտագործված իրավունքների արդյունք:

3.11 Պահուստներ, պայմանական պարտավորություններ և պայմանական ակտիվներ

Պահուստը ֆինանսական վիճակի մասին հաշվետվության մեջ ճանաչվում է, երբ Ընկերությունը ունի ներկա իրավական կամ կառուցողական պարտականություն՝ որպես անցյալ դեպքերի արդյունք, և հավանական է, որ այդ պարտականությունը մարելու նպատակով կպահանջվի տնտեսական օգուտներ մարմնավորող միջոցների արտահոսք, և պարտականության գումարը հնարավոր է արժանահավատորեն գնահատել:

Որպես պահուստ ճանաչված գումարն իրենից ներկայացնում է հաշվետու ժամանակաշրջանի վերջի դրությամբ ներկա պարտականությունը մարելու համար պահանջվող ծախսումների լավագույն գնահատականը: Եթե ժամանակի մեջ դրամի արժեքի ազդեցությունն էական է, սպա պահուստի գումարն իրենից ներկայացնում է այն ծախսումների ներկա արժեքը, որոնք, ըստ ակնկալության, կպահանջվեն այդ պարտականությունը մարելու համար:

Ձեղջման դրույքը պետք է լինի այն դրույքը (առանց հաշվի առնելու հարկման ազդեցությունը), որն արտացոլում է ժամանակի մեջ դրամի արժեքի և այդ պարտավորությանը հատուկ ռիսկերի ընթացիկ շուկայական գնահատումները: Ձեղջման դրույքը չպետք է արտացոլի այն ռիսկերը, որոնց գծով

դրամական միջոցների ապագա հոսքերի գնահատումներն արդեն ճշգրտվել են:

Պայմանական պարտավորությունները և պայմանական ակտիվները չեն ճանաչվում:

Պահուստն օգտագործվում է միայն այն ծախսումների դիմաց, որոնց գծով այդ պահուստը սկզբնապես ճանաչվել է:

3.12 Արտարժույթի փոխանակման փոխարժեքի փոփոխությունների հետևանքները

Արտարժույթով գործառնությունը սկզբնապես ճանաչման պահին հաշվառվում է ֆունկցիոնալ արժույթով՝ արտարժույթի գումարի նկատմամբ կիրառելով ֆունկցիոնալ արժույթի և արտարժույթի միջև գործառնության ամսաթվի դրությամբ սփոթ փոխանակման փոխարժեքը:

Սփոթ փոխանակման փոխարժեքը անհապաղ փոխանակման համար մատչելի փոխանակման փոխարժեքն է:

Յուրաքանչյուր ֆինանսական տարվա վերջում՝

- արտարժույթով դրամային հոդվածները վերահաշվարկվում և ֆինանսական հաշվետվություններում ներկայացվում են՝ կիրառելով փակման փոխարժեքը,
- սկզբնական արժեքով չափվող արտարժույթով ոչ դրամային հոդվածները վերահաշվարկվում և ֆինանսական հաշվետվություններում ներկայացվում են գործառնության ամսաթվի փոխանակման փոխարժեքով,
- իրական արժեքով չափվող արտարժույթով ոչ դրամային հոդվածները վերահաշվարկվում և ֆինանսական հաշվետվություններում ներկայացվում են իրական արժեքի որոշման օրվա փոխանակման փոխարժեքով:

Փոխարժեքային տարբերությունները, որոնք առաջանում են դրամային հոդվածների մարման արդյունքում կամ երբ դրամային հոդվածները վերահաշվարկվում են մի փոխարժեքով, որը տարբերվում է տվյալ հաշվետու ժամանակաշրջանում դրանց սկզբնապես ճանաչման փոխարժեքից, ճանաչվում են Ընկերության շահույթում կամ վնասում այն ժամանակաշրջանում, որում դրանք առաջացել են, բացառությամբ դրամային հոդվածի հետ կապված այն փոխարժեքային տարբերությունների, որոնք կազմում են արտերկրյա ստորաբաժանումում Ընկերության կատարած գուտ ներդրման մի մասը:

3.13 Շահութահարկ

Շահութահարկի գծով ծախսը (եկամուտը) հաշվետու ժամանակաշրջանի շահույթի կամ վնասի հաշվարկում ներառված համախառն գումարն է՝ ընթացիկ հարկի և հետաձգված հարկի գծով:

Ընթացիկ շահութահարկը տարվա համար հարկվող շահույթից վճարվելիք հարկն է՝ հաշվի առնելով նախորդ տարիների համար վճարվելիք հարկերի ճշգրտումները:

Հետաձգված հարկը հաշվարկվում է ակտիվների ու պարտավորությունների հաշվեկշռային արժեքների և շահութահարկի հաշվարկման ժամանակ օգտագործվող համապատասխան հարկային բազաների միջև ժամանակավոր տարբերություններից: Հետաձգված հարկային պարտավորությունները ճանաչվում են բոլոր հարկվող ժամանակավոր տարբերությունների համար: Հետաձգված հարկային ակտիվները պետք է ճանաչվեն բոլոր նվազեցվող ժամանակավոր տարբերությունների համար այն չափով, որքանով որ հավանական է հարկվող շահույթի ստացում, որի դիմաց կարող է օգտագործվել նվազեցվող ժամանակավոր տարբերությունը: Այսպիսի հետաձգված հարկային ակտիվներն ու պարտավորությունները չեն ճանաչվում, եթե ժամանակավոր տարբերությունն առաջանում է գուդվիլի սկզբնական ճանաչումից կամ այլ ակտիվների և պարտավորությունների սկզբնական ճանաչումից այնպիսի գործարքում, որը գործարքի պահին չի ազդում ոչ հաշվապահական շահույթի, ոչ էլ՝ հարկվող շահույթի վրա (բացի ձեռնարկատիրական գործունեության միավորումներից):

Հետաձգված հարկային ակտիվների հաշվեկշռային արժեքը վերանայվում է յուրաքանչյուր հաշվետու ժամանակաշրջանի վերջում և նվազեցվում է այն չափով, որով այլևս հավանական չէ, որ Ընկերությունը կստանա բավարար հարկվող շահույթ, որը թույլ կտա հետաձգված հարկային ակտիվից օգուտն ամբողջությամբ կամ մասամբ իրացնել:

3.14 Սխալներ

Ընկերությունն ուղղում է նախորդ ժամանակաշրջանի էական սխալները հետընթաց վերահաշվարկմամբ, բացառությամբ երբ անիրագործելի է կոնկրետ ժամանակաշրջանի վրա սխալի հետևանքների կամ դրա կուտակային հետևանքների որոշումը: Սխալներն ուղղվում են՝ դրանց հայտնաբերումից հետո հրապարակման ենթակա առաջին ֆինանսական հաշվետվությունների վաթեթում՝

ա) վերահաշվարկելով ներկայացված այն նախորդող ժամանակաշրջանի (ժամանակաշրջանների) համեմատելի գումարները, որոնցում տեղի է ունեցել սխալը, կամ

բ) եթե սխալը տեղի է ունեցել նախքան ներկայացված ամենավաղ ժամանակաշրջանը, ապա ակտիվների, պարտավորությունների և սեփական կապիտալի սկզբնական մնացորդները վերահաշվարկելով ներկայացված նախորդող ամենավաղ ժամանակաշրջանի համար:

3.15 Հաշվապահական հաշվառման գնահատումներում փոփոխություններ

Հաշվապահական հաշվառման գնահատումներում փոփոխության հետևանքը, բացառությամբ ներքոշարադրյալի, ճանաչվում է առաջընթաց՝ արտացոլվելով շահույթի կամ վնասի մեջ.

- փոփոխման ժամանակաշրջանում, եթե փոփոխությունն ազդում է միայն տվյալ ժամանակաշրջանի վրա, կամ
- փոփոխման ժամանակաշրջանում և հետագա ժամանակաշրջաններում, եթե փոփոխությունը երկուսի վրա էլ ազդում է:

Այնքանով, որքանով հաշվապահական հաշվառման գնահատման փոփոխությունն առաջացնում է ակտիվների և պարտավորությունների փոփոխություն կամ առնչվում է սեփական կապիտալի որևէ հոդվածի հետ, այն ճանաչվում է համապատասխան ակտիվի, պարտավորության կամ սեփական կապիտալի հոդվածի հաշվեկշռային արժեքի ճշգրտման միջոցով՝ փոփոխության ժամանակաշրջանում:

Այն դեպքում, երբ դժվար է տարբերակել հաշվապահական հաշվառման քաղաքականության փոփոխությունը հաշվապահական հաշվառման գնահատումներում փոփոխություններից, այն դիտվում է որպես հաշվապահական հաշվառման գնահատման փոփոխություն:

3.16 Հաշվապահական հաշվառման քաղաքականությունում փոփոխություններ

Ընկերությունը պետք է փոխի իր հաշվապահական հաշվառման քաղաքականությունը միայն այն դեպքում, եթե այդ փոփոխությունը.

ա. պահանջվում է որևէ ՖՀՄՄ-ով, կամ

բ. հանգեցնում է ֆինանսական հաշվետվություններում Ընկերության ֆինանսական վիճակի, ֆինանսական արդյունքների և դրամական միջոցների հոսքերի վրա գործառնությունների, այլ դեպքերի և իրադարձությունների ազդեցության վերաբերյալ առավել արժանահավատ և տեղին տեղեկատվության ներկայացմանը:

Երբ հաշվապահական հաշվառման քաղաքականության փոփոխությունը կիրառվում է հետընթաց, ապա Ընկերությունը ճշգրտում է ամենավաղ ներկայացված նախորդող ժամանակաշրջանի սեփական կապիտալի համապատասխան հոդվածների սկզբնական այն մնացորդները, որոնց առնչվում են փոփոխությունները, ինչպես նաև յուրաքանչյուր ներկայացված նախորդող ժամանակաշրջանի համար բացահայտված այլ համադրելի գումարներն այնպես, կարծես թե հաշվապահական հաշվառման նոր քաղաքականությունը ի սկզբանե կիրառվել է:

Եթե Ընկերությունը հաշվապահական հաշվառման նոր քաղաքականությունը կիրառում է հետընթաց, ապա հաշվապահական հաշվառման նոր քաղաքականությունը կիրառում է նախորդող ժամանակաշրջանների համադրելի տեղեկատվության նկատմամբ՝ հետ գնալով այնքան ժամանակաշրջան, որքան քաղաքականության հետընթաց կիրառումն իրագործելի է: Հետընթաց կիրառումը նախորդող ժամանակաշրջանի համար իրագործելի չէ, քանի դեռ հնարավոր չէ որոշել այդ ժամանակաշրջանի ֆինանսական վիճակի մասին հաշվետվության սկզբնական և վերջնական մնացորդների կուտակային հետևանքը:

Ճշգրտման հանրագումարը, որը վերաբերում է ֆինանսական հաշվետվություններում

ներկայացված ժամանակաշրջաններին նախորդող ժամանակաշրջաններին, վերագրվում է ամենավաղ ժամանակաշրջանում ներկայացված սեփական կապիտալի յուրաքանչյուր ազդեցություն կրած բաղադրիչի սկզբնական մնացորդին: Սովորաբար ճշգրտումը վերագրվում է չբաշխված շահույթին:

Երբ Ընկերության համար անհրազործելի է հաշվապահական հաշվառման նոր քաղաքականությունը կիրառել հետընթաց՝ բոլոր նախորդող ժամանակաշրջանների նկատմամբ նոր քաղաքականության կիրառման կուտակային հետևանքը որոշելու անկարողության պատճառով, ապա Ընկերությունը նոր քաղաքականությունը կիրառում է առաջընթաց՝ հնարավոր ամենավաղ ժամանակաշրջանից սկսած: Այդ դեպքում Ընկերությունը հաշվի չի առնում ակտիվների, պարտավորությունների և սեփական կապիտալի՝ մինչ այդ ամսաթիվն առաջացող կուտակային ճշգրտման բաժինը:

Հաշվապահական հաշվառման քաղաքականության փոփոխություն թույլատրվում է, եթե նույնիսկ հնարավոր չէ այդ քաղաքականությունը առաջընթաց կիրառել ցանկացած նախորդող ժամանակաշրջանի համար:

3.17 Հաշվետու ժամանակաշրջանից հետո տեղի ունեցող դեպքեր

Հաշվետու ժամանակաշրջանից հետո տեղի ունեցող դեպքերը տարբերակվում են երկու տեսակի.

- դեպքեր, որոնք տրամադրում են վկայություն հաշվետու ժամանակաշրջանի վերջի դրությամբ առկա պայմանների վերաբերյալ (հաշվետու ժամանակաշրջանից հետո տեղի ունեցող ճշգրտող դեպքեր)

- դեպքեր, որոնք ցույց են տալիս հաշվետու ժամանակաշրջանից հետո առաջացած պայմանները (հաշվետու ժամանակաշրջանից հետո տեղի ունեցող չճշգրտող դեպքեր):

Ընկերությունը ճշգրտում է իր ֆինանսական հաշվետվություններում ճանաչված գումարները՝ հաշվետու ժամանակաշրջանից հետո տեղի ունեցող ճշգրտող դեպքերն արտացոլելու նպատակով:

Ընկերությունը չի ճշգրտում իր ֆինանսական հաշվետվություններում ճանաչված գումարները՝ հաշվետու ժամանակաշրջանից հետո տեղի ունեցող չճշգրտող դեպքերն արտացոլելու նպատակով:

Եթե շահաբաժինները առաջադրվում կամ հայտարարվում են հաշվետու ժամանակաշրջանից հետո, Ընկերությունը չի ճանաչում այդ շահաբաժինները որպես պարտավորություն՝ հաշվետու ժամանակաշրջանի վերջի դրությամբ:

4. Հիմնական միջոցներ

‘000 դրամ	Շենքեր, կառուցվածքներ	Փոխանցող հարմարանքներ	Մեքենաներ և սարքավորումներ	Տրանսպորտային միջոցներ	տնտեսական գույք, գործիքներ	Այլ ՀՄ	Ընդամենը
Սկզբնական արժեք (ինքնարժեք)							
31 դեկտեմբեր 2020թ.	4.419.664	36.475	1.863.855	218.596	218.403	615.342	7.372.334
Կուտակված մաշվածություն							
31 դեկտեմբեր 2020թ.	2.370.967	36.475	1.191.467	139.667	203.607	596.487	4.538.670
Հաշվեկշռային արժեք 31 դեկտեմբեր 2020թ.	2.048.697	-	672.388	78.929	14.796	18.854	2.833.664
Ձեռքբերում 2021թ սկզբնական արժեք	23.966	5	569.985	48.472	4.890	21.312	668.629

Դուրսգրում 2021թ սկզբնական արժեք	-	-	-	15.541			15.541
Միավի ճշգրտման արդյունք	-	-	-	-	-	-	-
Տարեկան մաշվածություն	230.124	5	283.551	12.494	3.918	12.464	542.555
Սկզբնական արժեք (ինքնարժեք)							
31 դեկտեմբեր 2021թ.	4.443.630	36.480	2.433.840	251.526	223.292	636.653	8.025.422
Հաշվեկշռային արժեք							
31 դեկտեմբեր 2021թ.	1.842.539	-	958.821	99.366	15.768	27.702	2.944.197

Շահագործման չհանձնված հիմնական միջոցները 31.12.2020 դրությամբ կազմում են - 38.764 հազ. դրամ, դուրս է գրվել 34.636 հազ. դրամ ՀՄ և մնացորդը 31.12.2021թ դրությամբ կազմում է 4.080 հազ. դրամ:

Հիմնական միջոցների սեփականության իրավունքի սահմանափակում

Ընկերությանը սեփականության իրավունքով պատկանող «շենքեր» հողվածում արտացոլված գինու գործարանը գրավադրված է «Ամերիաբանկ» և «Էվոկաբանկ» ՓԲԸ-երում:

Գույքագրում

Ընկերությունը համաձայն 151221 հրամանի առ 15.12.21թ իրականացրել է հիմնական միջոցների գույքագրում 31.12.2021թ դրությամբ: Գույքագրման արդյունքները համեմատվել են հաշվապահական հաշվառման տվյալների հետ: Արդյունքում տարբերություններ չեն առաջացել: Իրականացվել է ոչ պիտանի արժեքների դուրս գրում:

Վերանայում

31.12.2021թ. դրությամբ ընկերությունն իրականացրել է ակտիվների մնացորդային արժեքների, օգտակար ծառայության ժամկետների և ակտիվի համար կիրառվող մաշվածության հաշվարկման մեթոդի (զծային) վերանայում: Վերանայման արդյունքում ընկերության հաշվապահական հաշվառման գնահատումներում փոփոխություն չի կատարվել:

5. Ոչ նյութական ակտիվներ

31.12.2020թ. և 31.12.2021թ. դրությամբ առկա Ընկերության ոչ նյութական ակտիվը իրենից ներկայացնում է

	Ֆիրմային անուններ	Համակարգային ծրագրեր	Լիցենզիան եր և վստահագր եր	արտոնագր եր	Ընդամենը
Սկզբնական կամ վերագնահատված արժեք					
Ժամանակաշրջանի սկիզբ	797	15.214	49	5.202	21.262

Ավելացում	-	-	-	-	-
Օտարում	-	-	-	-	-
Կուտակված ամորտիզացիա					
Ժամանակաշրջանի սկիզբին	797	10.170	49	5.202	16.217
տարեկան ամորտիզացիա	-	550	-	-	550
Հաշվեկշռային արժեք					
Ժամանակաշրջանի սկիզբ	-	5.044	-	-	5.044
Ժամանակաշրջանի վերջ	-	4.494	-	-	4.494

6. Այլ ոչ ընթացիկ ֆինանսական ակտիվներ

Ընկերությունը 06.08.2013թ. բաժնետերերի կայացրած ընդհանուր ժողովի որոշմամբ կատարել է «Հոկտեմբերյանի կոնյակի գործարան» ՓԲԸ-ի միացում, որի արդյունքում փոխանցման ակտին համապատասխան ընկերությանն է փոխանցվել 2.460 հազ. Դրամի ակտիվներ:

7. Պաշարներ

Ընկերության պաշարները իրենցից ներկայացնում է.

000'դրամ	31.12.2020	31.12.2021
1. Ընդամենը նյութեր	1.956.477	2.143.096
նյութեր	12.650	21.912
վառելիք	86	30
տարրա	1.934.429	2.105.181
շինանյութ, պահեստամասեր	5	701
այլ	9.307	15.271
2. պատրաստի արտադրանք և կիսապատրաստուքներ	3.358.396	3.359.295
3. ապրանքներ	-	753
4. Անավարտ արտադրանք	-	310.058

Պաշարների գույքագրումն 31.12.2021թ դրությամբ իրականացվել է համաձայն 151221 հրամանի առ 15.12.2021թ:

Պաշարներից կոնյակի սպիրտը գրավադրված է բանկերում:

8. Գերիտորական պարտքեր

Ընկերության առևտրային դեբիտորական պարտքերը իրենցից ներկայացնում են.

000'դրամ	31.12.2020	31.12.2021
1 Ընդամենը, այդ թվում վաճառքների գծով	3.192.326	2.701.100
	2.242.772	2.225.025

	վաճառքների գծով արտարժույթով	949.554	476.075
2.	տրված կանխավճարներ	8.001	7.786
4.	այլ դեբիտորական պարտքեր	140.000	-
5.	Հետաձգված հարկային պարտավորությունն ԱԱՀ-ի գծով	41.360	29.037

Առևտրային դեբիտորական պարտքերի արժեզրկման պահուստ 2021 թվականի դեկտեմբերի 31-ի դրությամբ Ընկերությունը չի ստեղծել, քանի որ իր պայմանագրային կողմ հանդիսացող գործընկերները ժամանակին կատարում են իրենց պարտավորությունները և ղեկավարության համոզմամբ Ընկերությունը չի կարող ունենալ ֆինանսական կորուստներ:

Այլ դեբիտորական պարտքերը իրենից ներկայացնում է տրված փոխառություններ աշխատակիցներին /մատակարարներ/:

9. Գրամական միջոցներ և դրանց համարժեքներ

Գրամական միջոցները և դրանց համարժեքները բաղկացած են դրամարկղի կանխիկ դրամից, ցպահանջ ավանդներից, ինչպես նաև կարճաժամկետ և բարձր իրացվելի այն ներդրումներից, որոնք կարող են հեշտ փոխարկվել դրամական միջոցների՝ նախապես հայտնի գումարներով, և չեն ենթարկվում արժեքի փոփոխման նշանակալի ռիսկի:

Ստորև ներկայացվում է Ընկերության դրամական միջոցների մնացորդների վերաբերյալ տեղեկատվություն՝ արտացոլված հազար դրամներով.

Մնացորդներ	2019թ. դեկտեմբերի 31-ի դրությամբ	2020թ. դեկտեմբերի 31-ի դրությամբ
1. Գրամարկղում	-	-
2. Բանկերում ՀՀ դրամ արտարժույթ	17.357 134	689 95

Գրամական միջոցների հոսքերի մասին Ընկերության հաշվետվությունը կազմվել է ուղղակի մեթոդով՝ դրամական միջոցների հոսքերը դասակարգելով ըստ գործառնական, ներդրումային և ֆինանսավորման գործունեության:

10. Կանոնադրական կապիտալ

31.12.2021թ. դրությամբ ընկերության կանոնադրական կապիտալը կազմում է 168.430 հազ. դրամ, որը բաժանված է 33.686 բաժնետոմսերի՝ յուրաքանչյուրը 5000 դրամ անվանական արժեքով:

Ընկերության բոլոր բաժնետոմսերը տեղաբաշխված են, լրիվ վճարված և պատկանում են Ընկերության մասնակիցներին:

Հաշվետու տարում կանոնադրական կապիտալի փոփոխություն չի կատարվել:

11. Էմիսիոն եկամուտ

Ընկերությունը 06.08.2013թ. բաժնետերերի կայացրած ընդհանուր ժողովի որոշմամբ կատարել է «Հոկտեմբերյանի կոնյակի գործարան» ՓԲԸ-ի միացում, որի արդյունքում «Հոկտեմբերյանի կոնյակի գործարան» ՓԲԸ-ի կողմից տեղաբաշխված բաժնետոմսերի արդյունքում առաջացել է էմիսիոն եկամուտ 32.765 հազ. դրամ:

12. Վերագնահատումից և վերաչափումից տարբերություններ

Ընկերությունը 2013թ-ին Օլիվեր Գրուպ ՄՊԸ-ի միջոցով իրականացրել է շենքեր շինությունների

վերագնահատում, որի արդյունքում առաջացած տարբերությաունը կազմում է 3.780.264 հազ. դրամ:

13. Կուտակված շահույթ

Ընկերության շահույթի բաշխման մասին որոշումն ընդունվում է մասնակիցների ընդհանուր ժողովի կողմից: Շահույթի բաշխումը Ընկերության մասնակիցների միջև իրականացվում է կանոնադրական կապիտալում մասնակիցների ունեցած բաժնեմասերին համապատասխան:

2020 թվականի գործունեության արդյունքներով Ընկերությունը ունեցել է զուտ վնաս՝ 597.938 հազ. դրամի չափով:

2021 թվականի գործունեության արդյունքներով Ընկերությունը ունեցել է զուտ շահույթը (շահութահարկի գծով ծախսը նվազեցնելուց հետո)՝ 1.317.350 հազ. դրամի չափով:

2020թ արդյունքներով Ընկերության կուտակված վնասը կազմել է 3.146.248 հազ. դրամ, իսկ 2021թ արդյունքներով այն կազմում է 1.828.964 հազ. դրամ:

14. Փոխառություններ և վարկեր

Ընկերությունը Հայաստանյան բանկերից ունի ստացած վարկեր և վարկային գծեր, որոնց մնացորդները ներկայացված են ստորև.

բանկ	31.12.2020	31.12.2021
Էվոկաբանկ ՓԲԸ	548.720	1.829.801
Ամերիաբանկ ՓԲԸ	3.596.490	3.107.296
ԱԿԲԱ Լիզինգ ՓԲԸ	108.266	36.799
Պրոմէթեյ բանկ ՓԲԸ	1.594.324	24.049
Ֆակտորինգներ	-	422.751
ընդամենը	5.847.800	5.420.696
Ֆինանսական վարձակալություն		332.000

Ընկերությանը տրված փոխառությունները հետևյալն են.

փոխատու	31.12.2020	31.12.2021
Ա. Պետրոսյան	1.103.993	280.297
Tarasco Investment LTD	2.283.407	2.391.636
Ընդամենը	3.387.400	2.671.933

15. Կրեդիտորական պարտքեր

Առևտրային և այլ կրեդիտորական պարտքերը ճանաչվում են իրական արժեքով, հետագայում չափվում են ամորտիզացված արժեքով:

Ընկերության պարտավորությունն իրենից ներկայացնում է

Հազար դրամ

2020թ. դեկտեմբերի
31-ի դրությամբ

2021թ. դեկտեմբերի
31-ի դրությամբ

գնումների գծով, որից	1.467.926	651.705
Երկրի ներսում	1.350.504	640.655
Երկրից դուրս	117.422	11.050

Առևտրային կրեդիտորական պարտքերի գծով տոկոսներ չեն հաշվառվում: Ընկերությունն ունի ֆինանսական ռիսկի կառավարման քաղաքականություններ, որոնք ապահովում են բոլոր պարտավորությունների ժամանակին կատարում:

ՀՀ պետական բյուջեի նկատմամբ կրեդիտորական պարտքը բաղկացած է հետևյալ հարկային պարտավորություններից.

000' դրամ	2020թ. դեկտեմբերի 31-ի դրությամբ	2021թ. դեկտեմբերի 31-ի դրությամբ
շահութահարկ	33.878	193.167
եկամտային հարկ	39.383	16.628
ԱԱՀ	40.826	3.277
ակցիզային հարկ	48.172	50.431
այլ պարտադիր վճարներ	17.262	12.132
Այլ		753
- պարտադիր սոց. ապահովագրության գծով	700	1.922

16. Հասույթ

	31.12.2021
Ընկերության հասույթը գոյացել է ընդամենը	8.131.101
- արտադրանքի վաճառք	8.103.447
- ծառայություն	27.654
Գործառնական գործունեությունից այդ թվում՝	65.932
պաշարների վաճառքից	61.269
Նյութական վնասի փոխհատուցումից	1.162
Անհատույց ստացված	3.355
Այլ	146
Ոչ ընթացիկ ակտիվների վաճառքից	11.583
Արտարժույթի փոխարժեքային տարբերությունից	478.237
Այլ	1.329

17. Ծախսեր

Ընկերության 2021 թվականի ընթացքում

- արտադրանքի ինքնարժեքը	5.612.866
իրացման ծախսեր	
Ընդամենը	424.074
- Աշխատավարձ	50.128
- հիմնական միջոցների մաշվածություն	19.855
- տրանսպորտային ծախսեր	151.919
- մարկետինգի և գովազդի ծախսեր	55.619
- այլ	146.528
վարչական ծախսեր	
ընդամենը	719.233
- աշխատավարձ	132.257
- մաշվածք	39.865
- գործուղում և ներկայացուցչական	3.960
- հեռահաղորդակցություն	13.916
- գրասենյակային և կոմունալ	2.661
- աուդիտորական և խորհրդատվական	34.420
- բանկային ծախսեր	53.170
- այլ	437.984
գործառնական ծախսերը կազմել են ընդամենը՝	70.158
- Պաշարների վաճառքից	58.394
- Տույժերից	11.764
- Ֆինանսական ծախսերը	293.710
- ՀՄ վաճառքից	7.305
- Շահութահարկի գծով	231.283

18. Կապակցված կողմեր

Հաշվետու տարում Ընկերությանը կապակցված կողմերի հետ իրականացված գործարքներից են փոխառությանը ստացված գումարները, որը ստացվել է ընկերության մասնակից Ալեքսան Պետրոսյանից:

Այլ դեբիտորական պարտքերում հաշվառված են ընկերության կողմից տրված փոխառությունները աշխատակիցներին /մատակարարներին/:

Կապակցված կողմերի միջև իրականացված գործարքը «անկախ կողմերի միջև գործարքներ» են: Պայմանագրային պարտավորությունների խախտումներ տեղի չեն ունեցել:

19. Պայմանականություններ

19.1 Գործարար միջավայր

Հայաստանում իրականացվող քաղաքական և տնտեսական փոփոխությունները շարունակական բնույթ են կրում: Որպես զարգացող շուկա՝ Հայաստանում բացակայում են կատարյալ գործարար միջավայր և համապատասխան ենթակառուցվածքներ, որոնք սովորաբար գոյություն ունեն ազատ շուկայական տնտեսություն ունեցող երկրներում: Բացի դրանից, տնտեսական պայմանները շարունակում են սահմանափակել գործառնությունների ծավալները ֆինանսական շուկաներում, և ֆինանսական գործիքների իրական արժեքները կարող են չհամապատասխանել իրականացված

գործարքներին: Հետագա տնտեսական զարգացման հիմնական խոչընդոտը տնտեսական և ինստիտուցիոնալ զարգացման ցածր մակարդակն է՝ զուգակցված տարածաշրջանային անկայունությամբ և կենտրոնացված տնտեսական հենքով և միջազգային տնտեսական ճգնաժամը:

Ընկերության վրա այս գործոնների հնարավոր հետևանքները կարող են ներառել վարկատուների հանդեպ անվճարունակությունը, խաթարված հեղինակությունը, ապրանքների և ծառայությունների վաճառքի, ինչպես նաև ֆինանսական միջոցների ձեռքբերման հետ կապված ռիսկերի և այլն: Բոլոր այս խնդիրները կարող են հանգեցնել Ընկերության իրացվելիության անկման և, հետևաբար, առաջացնել անընդհատության խնդիրներ: Այնուամենայնիվ, քանի դեռ այս անորոշություններում առկա տարակուսանքներն ու ենթադրությունները շատ են, ղեկավարությունը չի կարող վստահաբար հաշվարկել, թե ինչ չափով դրանք կարող են ազդեցություն ունենալ Ընկերության ակտիվների և պարտավորությունների հաշվեկշռային արժեքների վրա:

Հետևաբար, Ընկերության ֆինանսական հաշվետվությունները չեն ներառում ճշգրտումների ազդեցությունը, եթե այդպիսիք կան, որոնք կարող էին անհրաժեշտ համարվել, եթե ներկա համաշխարհային ճգնաժամի ազդեցությունը Հայաստանում նկատելի և արժանահավատորեն գնահատելի լիներ:

19.2 Ապահովագրություն

Հայաստանում ապահովագրական համակարգը զարգացման փուլում է, և ապահովագրության շատ տեսակներ, որոնք լայնորեն տարածված են մյուս երկրներում, Հայաստանում դեռ չեն կիրառվում: Բացի տրանսպորտային միջոցների համար սահմանված ԱՊՊԱ-ից Ընկերությունը՝ իր ակտիվների, գործունեության ընդհատման կամ երրորդ կողմերի պարտավորությունների հանդեպ, որոնք կարող են առաջանալ գույքին կամ շրջակա միջավայրին Ընկերության գույքի կամ գործառնությունների պատահարներից հասցված վնասի ապահովագրություն չունի: Քանի դեռ Ընկերությունը համապատասխան ձևով ապահովագրված չէ, գոյություն ունի ռիսկ, որ որոշակի ակտիվների կորուստը կամ ոչնչացումը կարող է անբարենպաստ նյութական ազդեցություն ունենալ Ընկերության գործունեության և ֆինանսական դրության վրա:

19.3 Հարկեր

Հայաստանի Հանրապետության հարկային համակարգը համեմատաբար նոր է՝ հաճախակի փոփոխվող օրենսդրությամբ, որը հաճախ մեկնաբանություններ է պահանջում: Հաճախ տարբեր հարկային և իրավասու մարմիններ տարբեր մեկնաբանություններ ունեն: Հարկերը հարկային մարմինների կողմից ենթակա են վերանայման և ուսումնասիրության: Հարկային մարմիններն օրենքով լիազորված են առաջադրել տուգանքներ և տույժեր:

Վերոհիշյալ հանգամանքները Հայաստանում կարող են առաջացնել ավելի մեծ հարկային ռիսկեր, քան այլ երկրներում: Ընկերության ղեկավարությունը համոզված է, որ հարկային պարտավորությունների գծով կատարել է համապատասխան հատկացումներ՝ հարկային օրենսդրության իրենց մեկնաբանության հիման վրա: Այնուամենայնիվ, հարկային մարմինների մեկնաբանությունները կարող են տարբերվել, և դրանց ազդեցությունը կարող է զգալի լինել:

19.4 Շրջակա միջավայրի հետ կապված խնդիրներ

Ղեկավարության համոզմամբ՝ Ընկերությունը բավարարում է շրջակա միջավայրի հետ կապված ՀՀ օրենսդրության պահանջները և վստահ է, որ Ընկերությունը շրջակա միջավայրի հետ կապված ընթացիկ էական պարտավորություններ չունի: Այնուամենայնիվ, Հայաստանում շրջակա միջավայրի վերաբերյալ օրենսդրությունը զարգացման փուլում է, և դրա հավանական փոփոխություններն ու օրենսդրության մեկնաբանությունները կարող են էական պարտավորություններ առաջացնել:

Ղեկավար  Մ. Նկարտյան
Գլխավոր տնտեսական  Ա. Իսաչատրյան

